

হাই স্কুল

9-12 গ্রেড

নিউ ইয়র্ক সিটিতে পাবলিক হাই স্কুলে ভর্তির জন্য তিনটি পথ-পরিক্রমা রয়েছে, এবং আপনি একটি কিংবা তিনটিই গ্রহণ করতে পারেন!

একটি হাই স্কুলের আবেদনপত্র জমা দিন

400+ হাই স্কুল থেকে 700+ প্রোগ্রাম থেকে বেছে নিন। আপনি ব্যক্তিগতকৃত আবেদনপত্রের মাধ্যমে সর্বোচ্চ 12-টি প্রোগ্রামে আবেদন করতে পারেন।

স্পেশালাইজড হাই স্কুল অ্যাডমিশন টেস্ট (SHSAT) দিন

- স্পেশালাইজড হাই স্কুলগুলোর যেকোনোটিতে ভর্তির আবেদন করতে স্পেশালাইজড হাই স্কুল অ্যাডমিশন টেস্ট (SHSAT) দিতে রেজিস্টার করুন।

ফিওরেলো এইচ. লাগোয়ার্ডিয়া স্কুল অভ মিউজিক অ্যান্ড আর্ট অ্যান্ড পারফর্মিং আর্টস (লাগোয়ার্ডিয়া হাই স্কুল)-এ আবেদন করুন

- আগ্রহী শিক্ষার্থীরা লাগোয়ার্ডিয়ার ছয়টি আর্টস প্রোগ্রামের যেকোনোটিতে/সবগুলোতে আবেদনপত্র ও অডিশন জমা দিয়ে আবেদন করতে পারবে।



পরামর্শ আমাদের ভর্তি সংক্রান্ত ভিডিওগুলো schools.nyc.gov/HS -এ দেখুন! প্রোগ্রামগুলো কীভাবে অন্বেষণ করতে হবে, একটি মাইস্কুলস্ অ্যাকাউন্ট কীভাবে তৈরি করতে হবে, এবং আবেদন করতে হবে সেবিষয়ে আমরা আপনাকে বিশদ ব্যাখ্যা দিব।



NYC পাবলিক স্কুলে নবাগত?

কী করতে হবে তা জানতে

schools.nyc.gov/NewStudents দেখুন অথবা

718-935-2009 নম্বরে ফোন করুন।



8.0 হাই স্কুল এবং স্পেশালাইজড হাই স্কুলসমূহ

এই যাচাই-তালিকা বা চেকলিস্ট ব্যবহার করার সময় শূন্যস্থানগুলো পূরণ করুন।

1. হাই স্কুলে ভর্তি সম্পর্কে জানুন

schools.nyc.gov/SignUp ওয়েবসাইটে, আমাদের হাই স্কুলের ভর্তি সংক্রান্ত ইমেইল তালিকায় নাম লেখান (সাইন আপ করুন)। আমরা আপনাকে এই বছরের ভর্তির সময়রেখা এবং তথ্য অধিবেশনসমূহ সংক্রান্ত আপডেট এবং স্মারক পাঠাবো।

এই গাইডটি পড়ুন! সর্বসম্প্রতিক তথ্যের জন্য schools.nyc.gov/HS এবং schools.nyc.gov/SHS দেখুন।

হাই স্কুলে ভর্তি প্রক্রিয়া সংক্রান্ত তথ্য অধিবেশনগুলো সম্পর্কে জানুন...

আমি উল্লেখিত তথ্য অধিবেশনে অংশগ্রহণ করবো: _____.

2. আবেদন উন্মুক্ত হবার আগে স্কুলগুলো অন্বেষণ করুন

প্রোগ্রামের অপশনসমূহ অন্বেষণ করতে MySchools.nyc ব্যবহার করুন। কীভাবে মাইস্কুলস্ ব্যবহার করতে হবে, তা জানতে [সেকশন 2.0](#) দেখুন।

আপনার পরিবারের সাথে হাই স্কুল অপশনগুলো নিয়ে আলোচনা করুন! পছন্দের প্রোগ্রামগুলোর একটি তালিকা তৈরি করা শুরু করুন।

আপনার হাই স্কুল অপশনসমূহ নিয়ে আলোচনা করতে আপনার স্কুল কাউন্সিলারের সাথে একটি অ্যাপয়েন্টমেন্ট করুন।

ওপেন হাউসগুলোতে যোগ দিন! তারিখ, সময়, এবং ঠিকানার জন্য অনুষ্ঠান বিষয়ক [মাইস্কুলস্ ক্যালেন্ডার](#) দেখুন, অথবা অনুষ্ঠান সম্পর্কিত সর্বসম্প্রতিক তথ্য, সংস্থান ও যোগাযোগের তথ্যের জন্য সরাসরি প্রোগ্রামের ওয়েবসাইট দেখুন।

3. আপনার মাইস্কুলস্ অ্যাকাউন্ট সেট আপ করুন।

আপনার সন্তানের স্বাগত চিঠিটি গ্রহণ করুন, যেটায় মাইস্কুলস্ অ্যাকাউন্ট তৈরির অনন্য কোড এবং আপনার সন্তানের আবেদন কীভাবে দেখতে পাবেন সেবিষয়ে নির্দেশনা দেয়া থাকবে।

আপনার আবেদনের পছন্দসমূহ নিয়ে আলোচনা করার জন্য আপনার সন্তানের বর্তমান স্কুল কাউন্সিলার অথবা একটি ফ্যামিলি ওয়েলকাম সেন্টারের সাথে একটি অ্যাপয়েন্টমেন্ট করুন।

4. আপনার পথ-পরিক্রমা(সমূহ) বেছে নিন এবং আবেদন করুন

আপনার পছন্দের হাই স্কুলের(গুলোর) জন্য এক বা একাধিক পথ-পরিক্রমা বেছে নিন:

হাই স্কুল

উল্লেখিত তারিখের মধ্যে আমাদের হাই স্কুলে ভর্তির আবেদনপত্র জমা দিন _____.

আপনার প্রকৃত পছন্দের ধারাক্রমে আবেদনপত্রে 12-টি প্রোগ্রাম যোগ করুন। একটি ভারসাম্যপূর্ণ আবেদন কীভাবে জমা দিতে হয়, তা জানতে [সেকশন 8.3](#) দেখুন!

অতিরিক্ত শর্তসমূহ, যেমন অডিশন অথবা মূল্যায়ন (অ্যাসেসমেন্ট) সম্পন্ন করুন। আরও জানতে

schools.nyc.gov/HSAuditions এবং schools.nyc.gov/AssessmentHS দেখুন।

ভর্তির জন্য পরীক্ষা-গ্রহণকারী স্পেশালাইজড হাই স্কুলসমূহ

উল্লেখিত তারিখের মধ্যে স্পেশালাইজড হাই স্কুল অ্যাডমিশন টেস্ট-এর (SHSAT) জন্য রেজিস্টার করুন _____.

SHSAT-এর জন্য প্রস্তুত হোন—কীভাবে করতে হবে, তা জানতে schools.nyc.gov/SHS দেখুন।

SHSAT দিন। আপনি রেজিস্টার করার পর, আপনি কীভাবে ও কোথায় পরীক্ষা দেবেন সেবিষয়ে আমরা বিস্তারিত তথ্য নিশ্চিত করবো।

লাগোয়ার্ডিয়া হাই স্কুল

উল্লেখিত তারিখের মধ্যে আবেদন করুন এবং অডিশন জমা দিন _____.

কীভাবে অডিশন করতে হবে, তা schools.nyc.gov/HSAuditions ওয়েবসাইট থেকে জেনে নিন।

তিনটি উপায়ের একটির মাধ্যমে, আপনি হাই স্কুলে আবেদন করতে পারেন, SHSAT-এর জন্য রেজিস্টার করুন এবং/অথবা লাগোয়ার্ডিয়া হাই স্কুলে অডিশন করতে আবেদন করুন **একটি বিকল্প বেছে নিন:**

অনলাইনে MySchools.nyc -এ

আপনার সন্তানের **বর্তমান স্কুল কাউন্সিলারের** মাধ্যমে

একটি ফ্যামিলি ওয়েলকাম সেন্টারের মাধ্যমে—কীভাবে করতে হবে তা জানতে schools.nyc.gov/FWC দেখুন

5. আপনার সন্তানের অফারের চিঠিটি সংগ্রহ করুন

এই চিঠিতে আপনার সন্তানের হাই স্কুলে ভর্তির অফার এবং যদি প্রযোজ্য হয়, তবে কোনও স্পেশালাইজড হাই স্কুলে ভর্তির অফার, এবং এর পাশাপাশি অপেক্ষা-তালিকা বা ওয়েটলিস্ট ও পরবর্তী ধাপসমূহ সম্পর্কে তথ্য থাকবে।

আমার সন্তান উল্লেখিত হাই স্কুলে অফার পেয়েছে _____.

পরামর্শ আমাদের হাই স্কুলে ভর্তি সংক্রান্ত ভিডিও সিরিজ schools.nyc.gov/HS -এ এবং আমাদের স্পেশালাইজড হাই স্কুল সংক্রান্ত ভিডিওগুলো schools.nyc.gov/SHS -এ দেখুন। কীভাবে স্কুল এবং প্রোগ্রামগুলো অন্বেষণ করতে হবে, একটি মাইস্কুলস্ অ্যাকাউন্ট তৈরি করতে হবে, এবং আবেদন করতে হবে, সেবিষয়ে আমরা আপনাকে ধাপে ধাপে ব্যাখ্যা দিব।



হাই স্কুল সংক্রান্ত
ভিডিওসমূহ



স্পেশালাইজড হাই স্কুল
সংক্রান্ত ভিডিওসমূহ

8.1 কে আবেদন করতে পারেন?

নিউ ইয়র্ক সিটিতে হাই স্কুলে আবেদন করতে এবং/অথবা স্পেশালাইজড হাই স্কুলে ভর্তিতে অংশগ্রহণ করতে, আপনাকে অবশ্যই নিম্নলিখিত উভয়টি হতে হবে:

- একজন নিউ ইয়র্ক সিটির (NYC) বাসিন্দা এবং
- বর্তমান অষ্টম গ্রেড অথবা পুনরায় নবম গ্রেড গ্রহণ করছে না এমন নবম গ্রেডের একজন শিক্ষার্থী

8.2 হাই স্কুল এবং প্রোগ্রামসমূহ অন্বেষণ করুন

NYC-তে, আপনার শত শত হাই স্কুলের অপশন রয়েছে, এবং আপনি সিটি জুড়ে বিভিন্ন প্রোগ্রামে আবেদন করতে পারেন।

আপনি যখন অন্বেষণ করা শুরু করবেন, আপনার জন্য কী সবচেয়ে বেশি গুরুত্বপূর্ণ তা বিবেচনা করুন—সেটা হতে পারে অবস্থান, যে ভাষা অফার করা হচ্ছে, AP কোর্সসমূহ, কোনও বিশেষ আগ্রহের বিষয়, কোনও স্পোর্টস্ টিম, অথবা অভিজ্ঞতা (প্রতিবন্ধিতাযুক্তদের জন্য বিশেষ সুবিধা)।

- **বছরের যেকোনো সময়**, যেকোন MySchools.nyc/schools/high-school -এ অবস্থিত মাইস্কুলস্ পাবলিক ডিরেক্টরিতে স্কুল ও প্রোগ্রামগুলো খুঁজতে পারেন।
- **আপনি আপনার স্বাগত চিঠি পাবার পর**, একটি ব্যক্তিগতকৃত অনুসন্ধান (সার্চ) দেখতে এবং পছন্দের প্রোগ্রামসমূহ সেভ করতে, আপনি আপনার **মাইস্কুলস্** অ্যাকাউন্টে লগ ইন করতে পারেন। যখন আবেদনের সময় শুরু হবে, তখন আপনি আপনার আবেদনপত্রে প্রোগ্রামসমূহ যোগ করা শুরু করতে পারেন।
- **স্পেশালাইজড হাই স্কুলগুলো** একটি ভিন্ন ভর্তি প্রক্রিয়া ব্যবহার করে এবং আপনার হাই স্কুল আবেদনপত্রে যোগ করা যাবে না—**সেকশন 8.0** এবং **8.5-8.6** দেখুন।

হাই স্কুলসমূহের ধরন

কিছু হাই স্কুল নির্দিষ্ট কোনও শিক্ষার্থী গ্রুপের জন্য আসন সংরক্ষণ করে, যেসব শিক্ষার্থী এই দেশে নতুন তাদের পরিষেবা প্রদান করে, শিক্ষার্থীদের ও পরিবারবর্গের জন্য অতিরিক্ত পরিষেবা প্রদান করে, অথবা শিক্ষার্থীদের কলেজ ক্রেডিট এবং/ অথবা কাজের অভিজ্ঞতা অর্জনের জন্য সুযোগ সুবিধা দিয়ে থাকে। আপনি NYC ওয়েবসাইটে (schools.nyc.gov) এবং **মাইস্কুলস্-এ**—ক্যারিয়ার অ্যান্ড টেকনিক্যাল এডুকেশন প্রোগ্রাম, আর্লি কলেজ স্কুল, এবং কমিউনিটি স্কুল সহ—এই হাই স্কুল বিকল্পগুলো সম্পর্কে আরও জানতে পারেন।

হাই স্কুলের প্রোগ্রামসমূহ

যখন আপনি হাই স্কুলে আবেদন করছেন, তখন বাস্তবিক অর্থে আপনি প্রোগ্রামসমূহে আবেদন করছেন। প্রোগ্রামগুলোকে একটি নির্দিষ্ট স্কুলের বিভিন্ন প্রবেশদ্বার হিসেবে ভাবুন। যদি কোনো স্কুলের একাধিক প্রোগ্রাম থাকে, তাহলে আপনি সেই স্কুলে একাধিক প্রোগ্রামে আবেদন করতে পারবেন। উদাহরণস্বরূপ, কোনো স্কুলের একটি ফিল্ম/ভিডিও প্রোগ্রাম ও একটি টেকনোলজি প্রোগ্রাম থাকতে পারে; আপনি যদি ফিল্ম এবং কম্পিউটার সায়েন্স উভয়টির প্রতি আগ্রহী হন, তাহলে আপনি একই স্কুলের উভয় প্রোগ্রামে আবেদন করতে পারবেন। আপনার আবেদনপত্রে সেগুলোকে দুইটি আলাদা বাছাইকৃত পছন্দের প্রোগ্রাম হিসেবে গণনা করা হবে।

কিছু প্রোগ্রাম যেসব শিক্ষার্থী পরবর্তী বছর দশম গ্রেড শুরু করবে তাদের জন্য কিছু আসন থাকে; যদি আপনি প্রথমবারের মত একজন বর্তমান নবম গ্রেডের শিক্ষার্থী হোন, তবে আপনি এই প্রোগ্রামগুলোতে আবেদন করতে পারবেন।

প্রতিটি স্কুলের মাইস্কুলস্ ডিরেক্টরি পেইজে প্রোগ্রামটি সম্পর্কে তথ্য দেয়া আছে। আপনার পছন্দের প্রোগ্রামগুলো খুঁজতে এই সেকশনগুলো দেখুন। এছাড়াও প্রোগ্রামের তথ্য আপনাকে সুনির্দিষ্ট কোনো প্রোগ্রামে আপনার অফার পাওয়ার সম্ভাবনাসমূহ নির্ধারণে সহায়তা করতে পারে। কীভাবে মাইস্কুলস্ ব্যবহার করতে হবে, সেবিষয়ে একটি টিউটোরিয়ালের জন্য **সেকশন 2.0** দেখুন।

সকল প্রোগ্রাম একটি বৃহৎ পরিসরের লিবারেল আর্টস্ শিক্ষা অফার করে, এবং সবগুলো বিস্তৃত বিষয়বস্তুর পাঠ্য অন্তর্ভুক্ত করে। এছাড়া, অধিকাংশ প্রোগ্রাম সর্বোচ্চ দুটি আগ্রহের বিষয়ের প্রতি মনোনিবেশ করে, যেমন আর্কিটেকচার কিংবা সায়েন্স এবং ম্যাথ, এবং তারা ঐ বিষয়ে অথবা সম্পৃক্ত ক্ষেত্রে বাড়তি কোর্সও অফার করতে পারে।

স্কুলগুলো নিম্নোক্ত 21-টি আগ্রহের বিষয়ে বিবিধ প্রোগ্রাম অফার করে:

অ্যানিমেল সায়েন্স	এনভায়রনমেন্টাল সায়েন্স	পারফরমিং আর্টস্
আর্কিটেকচার	ফিল্ম/ভিডিও	পারফরমিং আর্টস্/ভিজুয়াল আর্ট অ্যান্ড ডিজাইন
বিজনেস	হেলথ প্রফেশন্স	প্রজেক্ট-ভিত্তিক শিক্ষা
কমিউনিকেশন	হসপিটালিটি, ট্র্যাভেল এবং ট্যুরিজম	সায়েন্স অ্যান্ড ম্যাথ
কম্পিউটার সায়েন্স অ্যান্ড টেকনোলজি	হিউম্যানিটিজ অ্যান্ড ইন্টারডিসিপ্লিনারি	টিচিং
কসমেটোলজি	JROTC	ভিজুয়াল আর্ট অ্যান্ড ডিজাইন
ক্যালিনারি আর্টস্	ল্য অ্যান্ড গভার্নমেন্ট	
ইঞ্জিনিয়ারিং		

স্কুল এবং প্রোগ্রামে যোগ্যতার শর্তাবলী

কিছু স্কুল অথবা প্রোগ্রাম শুধুমাত্র ইংরেজি ভিন্ন অন্য ভাষা-ভাষী শিক্ষার্থীদের জন্য অথবা যারা যোগ্যতার শর্তাবলী পূরণ করে তাদের জন্য উন্মুক্ত। উদাহরণস্বরূপ, কোনও প্রোগ্রামের যোগ্যতা হতে পারে “বাড়ির ভাষা স্প্যানিশ, শুধুমাত্র নিউ ইয়র্ক সিটির এমন অধিবাসীদের জন্য উন্মুক্ত।” এর অর্থ হচ্ছে, শুধুমাত্র সেসব শিক্ষার্থী যাদের বাড়ির ভাষা স্প্যানিশ তারা এই প্রোগ্রামটি তাদের আবেদনে যোগ করতে পারবে।

অনুগ্রহ করে জেনে রাখুন যে, একটি প্রোগ্রামের হয়তো পুরো স্কুলের চেয়ে বেশি সুনির্দিষ্ট যোগ্যতার শর্তাবলী থাকতে পারে। যোগ্যতা উল্লেখ করা না থাকলে, সকল শিক্ষার্থী সেটায় আবেদন করতে পারবে।

চার্টার হাই স্কুলসমূহ

চার্টার স্কুলগুলি হলো বিনা খরচের পাবলিক হাই স্কুল, যেগুলো NYC-র সকল শিক্ষার্থীদের জন্য উন্মুক্ত এবং এগুলি NYCPS থেকে স্বাধীনভাবে পরিচালিত হয়। NYCPS-এর হাই স্কুলগুলোতে যেসব শিক্ষার্থী আবেদন করার জন্য যোগ্য, তারা চার্টার হাই স্কুলগুলোতেও আবেদন করার যোগ্য। চার্টার স্কুলগুলোর একটি ভিন্ন ভর্তি প্রক্রিয়া রয়েছে—আপনার হাই স্কুল আবেদনপত্রে সেগুলি যোগ করতে পারবেন না। আপনি যদি কোনও চার্টার হাই স্কুলে আবেদন করতে আগ্রহী হন, তবে কীভাবে আবেদন করতে হয় তা জানতে অনুগ্রহ করে ঐ স্কুলের সাথে যোগাযোগ করুন। আরও তথ্যের জন্য দেখুন schools.nyc.gov/Charters।

8.3 শিক্ষার্থীরা কীভাবে অফার পায় তা জানুন

কোনও সুনির্দিষ্ট হাই স্কুল প্রোগ্রামে আপনার অফার পাবার সম্ভাবনা কতটুকু তা কীভাবে জানবেন? অফার কীভাবে দেয়া হয়, সেটা জানার মাধ্যমে শুরু করলে সুবিধা হবে। শিক্ষার্থীরা প্রোগ্রামগুলোতে চারটি মূল বিষয়ের উপর নির্ভর করে অফার লাভ করে—এটা কীভাবে কাজ করে সেবিষয়ে একটি উদাহরণের জন্য, এই গাইডের [পিছনের মলাটের অভ্যন্তর পৃষ্ঠাটি দেখে নিন](#)।



আবেদনপত্রে আপনার পছন্দসমূহ

আপনার আবেদনপত্রে আপনার বেছে নেয়া পছন্দের সংখ্যা এবং সেগুলো কীভাবে ধারাক্রম করছেন তা গুরুত্ব বহন করে।

আবেদনপত্রে 12-টি ভারসাম্যপূর্ণ পছন্দ যোগ করলে, আপনি যেগুলো চান সেগুলোর একটি থেকে অফার পাবার সুযোগ বাড়িয়ে দেবে। একটি আবেদনপত্র ভারসাম্যপূর্ণ হয় কীভাবে তা বুঝতে, প্রথমে এই চারটি বৈশিষ্ট্য সম্পর্কে পড়ুন, অতঃপর পথনির্দেশনা হিসেবে [ভারসাম্যপূর্ণ আবেদনের যাচাই-তালিকা \[এই সেকশনের শেষাংশে দেখুন\]](#) ব্যবহার করুন।

আপনার প্রথম-পছন্দের প্রোগ্রাম কিংবা আপনার আবেদনপত্রের অন্য কোনও প্রোগ্রামে অফার লাভের কোনও নিশ্চয়তা নেই, এর ব্যতিক্রম আপনার বর্তমান স্কুল অথবা জোনভুক্ত গ্যারান্টিযুক্ত প্রোগ্রাম। আপনার আবেদনপত্র থেকে একটি অফার পাবার এবং সেটা নিয়ে সম্ভ্রষ্ট হবার সেরা উপায় হচ্ছে 12-টি প্রোগ্রামে (এর চেয়ে কম নয়) আবেদন করা, যেগুলোতে অংশগ্রহণে আপনি খুশি হবেন। আমাদের 700-টির বেশি প্রোগ্রাম থেকে বেছে নেয়ার সুযোগ রয়েছে, যেগুলো থেকে বিভিন্ন প্রোগ্রাম অন্বেষণ করতে আপনাকে আমরা আমন্ত্রণ জানাচ্ছি।

- আপনার আবেদনপত্রে অধিক সংখ্যক পছন্দ যোগ করলে, আপনি যেগুলো চান সেগুলোর একটি থেকে অফার পাবার সুযোগ বাড়িয়ে দেবে।
- অধিক প্রোগ্রাম যোগ করা আপনার পছন্দের প্রোগ্রাম থেকে একটি অফার পাবার সম্ভাবনা ক্ষতিগ্রস্ত হবে না; কিন্তু, 12-টির কম পছন্দ তালিকাভুক্ত করলে আপনার পছন্দের প্রোগ্রাম থেকে একটি অফার পাবার সম্ভাবনা কমে যাবে।
- আপনার আবেদনপত্রে প্রোগ্রামগুলোকে আপনার অগ্রাধিকারপ্রাপ্ত পছন্দটিকে সবার উপরে, #1 হিসেবে রেখে, প্রকৃত পছন্দের অগ্রাধিকারক্রমে সাজাবেন। এরচেয়ে ভালো কোনো কৌশল নেই! আপনার প্রথম পছন্দের প্রোগ্রামে আপনাকে প্রথমে বিবেচনা করা হবে। প্রথম পছন্দটিতে আপনি অফার না পেলে দ্বিতীয় পছন্দের প্রোগ্রামটিকে এমনভাবে বিবেচনা করা হবে, যেন সেটাই ছিল আপনার প্রথম পছন্দ, এবং এভাবে চলবে। হাই স্কুলগুলো আপনার আবেদনপত্রের অগ্রাধিকারক্রম দেখতে পাবে না, অতএব তারা আপনার প্রথম নাকি বারোতম পছন্দ, তা জানতে পারবে না।



প্রতিটি প্রোগ্রামের লভ্য আসন সংখ্যা

ভর্তির উদ্দেশ্যের জন্য, প্রতিটি হাই স্কুল প্রোগ্রাম দুইটি আসন গ্রুপে শিক্ষার্থীদের ভর্তি করে, এগুলো হচ্ছে: জেনারেল এডুকেশন (সাধারণ শিক্ষা) শিক্ষার্থী এবং প্রতিবন্ধিতায়ুক্ত শিক্ষার্থী। আপনি যেভাবে আখ্যাত তা আপনার আবেদনপত্র প্রদর্শন করবে—এটা এমন কিছু নয় যা আপনি বেছে নেবেন।

আসনের জন্য গ্রুপসমূহ

সাধারণ শিক্ষার (জেনারেল এডুকেশন, GE) শিক্ষার্থীবৃন্দ

- যেসব শিক্ষার্থীর IEP নেই তাদের জন্য
- যেসব শিক্ষার্থীর IEP শুধুমাত্র সংশ্লিষ্ট পরিষেবা (রিলেটেড সার্ভিস) সুপারিশ করে, অথবা যাদের বর্তমান IEP তাদের বর্তমান শিক্ষায়তনিক কর্মসূচিতে 20% অথবা এরচেয়ে কম স্পেশাল এডুকেশন শিক্ষা-নির্দেশনামূলক প্রোগ্রামিং* সুপারিশ করে, তাদের জন্য।

প্রতিবন্ধিতায়ুক্ত শিক্ষার্থীবৃন্দ (স্টুডেন্ট উইথ ডিজ্যাবিলিটি, SWD)

- যেসব শিক্ষার্থী, তাদের বর্তমান IEP অনুযায়ী, তাদের শিক্ষায়তনিক কর্মসূচির 20% অথবা তার অধিক স্পেশাল এডুকেশন প্রোগ্রামিং* লাভ করে, তাদের জন্য।

স্পেশাল এডুকেশন শিক্ষা-নির্দেশনার কর্মসূচিতে অন্তর্ভুক্ত থাকে সমন্বিত সহ-শিক্ষকতা (ইন্টিগ্রেটেড কো-টিচিং, ICT) ক্লাস, স্পেশাল ক্লাস (SC), এবং স্পেশাল এডুকেশন শিক্ষক সহায়তা পরিষেবাসমূহ (স্পেশাল এডুকেশন টিচার সাপোর্ট সার্ভিসেস, SETSS)। অভিযোজিত শরীরচর্চা শিক্ষা (অ্যাডাপটেড ফিজিক্যাল এডুকেশন, APE) এবং সংশ্লিষ্ট পরিষেবা (রিলেটেড সার্ভিস), যেমন স্পিচ, অক্যুপেশনাল থেরাপি (OT), এবং ফিজিক্যাল থেরাপি (PT), হাই স্কুলে ভর্তির ক্ষেত্রে স্পেশাল এডুকেশন শিক্ষা-নির্দেশনার কর্মসূচি হিসেবে বিবেচিত হয় না। 504 প্ল্যানের আওতাভুক্ত শিক্ষার্থীরা প্রতিবন্ধিতায়ুক্ত শিক্ষার্থীর আসন লাভের অধিকারী হবে না, যদি না তাদের একটি IEP থাকে যেটা শিক্ষার্থীর অ্যাকাডেমিক প্রোগ্রামের 20% এর বেশি শিক্ষা-নির্দেশনা সুপারিশ করে।

আসন সংখ্যা এবং চাহিদা

প্রতিটি হাই স্কুল প্রোগ্রামে নির্দিষ্ট সংখ্যক আসন রয়েছে। আপনি গত বছর একটি প্রোগ্রামে কতগুলো আসন ছিল (Seats) এবং সেই আসনগুলোর জন্য কতজন শিক্ষার্থী আবেদন করেছে এবং একটি আরও পছন্দের বাছাই থেকে অফার পায়নি (Applicants) তা মাইস্কুলস-এর প্রোগ্রাম কার্ড থেকে জানতে পারেন। একটি প্রোগ্রামের কতটুকু চাহিদা রয়েছে তা আপনি প্রতিটি লভ্য আসনে (আসন প্রতি আবেদনকারী) কতজন আবেদন করেছে তা থেকে জানতে পারেন। লক্ষ্য রাখবেন, এই নম্বরগুলো গত বছরের।

একটি প্রোগ্রামের আসন প্রতি আবেদনকারীর সংখ্যা ঐ প্রোগ্রামটি গত বছর কতটুকু জনপ্রিয় ছিল তা প্রদর্শন করে। এটা ঐ প্রোগ্রামে আপনার অফার পাবার সম্ভাবনা কতটুকু তা জানতে সহায়তা করতে পারে।

- যদি কোনো প্রোগ্রামে আসন প্রতি তিনজন অথবা বেশি আবেদনকারী থাকে, তবে সেটা উচ্চ চাহিদাসম্পন্ন। যেহেতু লভ্য আসনগুলোর জন্য অনেক বেশি প্রতিযোগিতা হয়, সকল আবেদনকারীরই একটি অফার পাবার সম্ভাবনা কম।
- যদি কোনও প্রোগ্রামে আসন প্রতি দুইজন আবেদনকারী থাকে, তবে সেটা গড়পড়তা চাহিদাসম্পন্ন। বাড়তি বিষয়াদি বা ফ্যাক্টর বিবেচনা করলে আপনার প্রস্তাব লাভের সুযোগ বৃদ্ধি হয়।
- যদি কোনও প্রোগ্রামে আসন প্রতি একজন আবেদনকারী থাকে, তবে সেটা নিম্ন চাহিদাসম্পন্ন। বেশীরভাগ ক্ষেত্রে, এই প্রোগ্রাম থেকে একটি অফার পাবার সম্ভাবনা বেশী হবে, কিন্তু আপনার সম্ভাবনা নির্ধারণ করার জন্য আরো বিষয়াদি বা ফ্যাক্টরসমূহ বিবেচনা করুন; যেমন প্রোগ্রামে আপনার ভর্তির অগ্রাধিকার (পরবর্তী সেকশন দেখুন)।



প্রতিটি প্রোগ্রামের ভর্তিতে অগ্রাধিকারসমূহ

কিছু প্রোগ্রাম কোনও সুনির্দিষ্ট আবেদনকারী গ্রুপকে অগ্রাধিকার প্রদান করে। যদি কোনও প্রোগ্রামে বহুবিধ ভর্তির অগ্রাধিকার থাকে, আবেদনকারীদের দলগতভাবে বা গ্রুপে বিবেচনা করা হয়। অফারের জন্য এই গ্রুপগুলোকে যে ধারাক্রমে বিবেচনা করা হবে তা একটি প্রোগ্রামের ভর্তিতে অগ্রাধিকারসমূহ নির্ধারণ করে।

- অগ্রাধিকার বা প্রায়োরিটি গ্রুপ 1-এর সকল আবেদনকারীকে প্রথমে বিবেচনা করা হবে।
- যদি আসন বাকি থাকে, অগ্রাধিকার গ্রুপ 2-এর আবেদনকারীদের বিবেচনা করা হবে এবং এভাবে চলতে থাকবে।

চলমান প্রোগ্রামসমূহ

যেসব শিক্ষার্থী বর্তমানে এমন একটি স্কুলে পড়ছে যেখানে দ্বাদশ (12) গ্রেড পর্যন্ত ক্লাস আছে, তারা ঐ হাই স্কুলে নিশ্চিতভাবে (গ্যারান্টিড) একটি অফার পাবে, যদি তাদের আবেদনপত্রে ঐ স্কুলটি যোগ করে থাকে। শিক্ষার্থীদের তাদের চলমান স্কুলের উপরে তালিকাবদ্ধ প্রোগ্রামগুলোর জন্য প্রথমে বিবেচনা করা হয়। গ্যারান্টি বজায় রাখার জন্য আপনার সম্ভাব্য বর্তমান চলমান স্কুলটি আপনার প্রথম পছন্দ হতে হবে না, তবে সেটা আপনার আবেদনপত্রে অবশ্যই অন্তর্ভুক্ত করতে হবে।



ভর্তি পদ্ধতিসমূহ

প্রোগ্রামসমূহের শিক্ষার্থীদের অফার দেয়ার উপায় হচ্ছে এই ভর্তি পদ্ধতিসমূহ; সেগুলো একটি প্রোগ্রামের জন্য বিবেচিত হতে হলে আপনার কী করতে হবে তাও বর্ণনা করে। অধিকাংশ ক্ষেত্রে আপনাকে যা করতে হবে, সেটা হলো প্রোগ্রামটিকে আবেদনপত্রে তালিকাভুক্ত করা। এখানে হাই স্কুলে (HS) ভর্তির বিভিন্ন পদ্ধতি দেয়া হলো:

উন্মুক্ত: শিক্ষার্থীদের এলোমেলোভাবে বেছে নেয়া হয়।

এডুকেশন্যাল অপশন (এড. অপ্ট.): শিক্ষায়তনিক বৈচিত্র্যময়তা বজায় রাখতে শিক্ষার্থীদের উচ্চতর, মধ্যম, এবং নিম্নতর কার্যসম্পাদনকারী দলে বিভক্ত করা হয়, এবং এরপর এলোমেলোভাবে বাছাই করা হয়।

যাচাইকৃত (স্ক্রিনড): শিক্ষার্থীদেরকে তাদের কোর্সের গ্রেড অনুযায়ী বেছে নেয়া হয়।

মূল্যায়নসহ যাচাইকরণ: শিক্ষার্থীদেরকে তাদের কোর্সের গ্রেডগুলোর পরিমাপকৃত গড়, এবং তাদের স্কুলের ভর্তি বিষয়ক অপূর্ণ দায়িত্বে (অ্যাডমিশন টাস্ক) প্রাপ্ত ফলাফল অনুযায়ী বেছে নেয়া হয়।

অডিশন: শিক্ষার্থীদেরকে একটি অডিশনে প্রাপ্ত তাদের ফলাফল বা স্কোর অনুযায়ী বিবেচনা করা হয়।

জোনভুক্ত: শিক্ষার্থীদের বাড়ির ঠিকানা যদি ঐ স্কুলের জোনের মধ্যে হয়, তবে তাদের বিবেচনা করা হয়।

আরো জানতে এই গাইডের **পিছনের মলাটের অভ্যন্তর পৃষ্ঠা** এবং schools.nyc.gov/HowAdmissionsWorks দেখুন। কোনও সুনির্দিষ্ট প্রোগ্রামের মাইস্কুলস্ পেইজে সেটার ভর্তি পদ্ধতি এবং বাছাইয়ের মানদণ্ড সম্পর্কে সর্বসাম্প্রতিক তথ্য পাবেন।

ভারসাম্যপূর্ণ আবেদনের যাচাই-তালিকা

আপনার আবেদনপত্র জমা দেয়ার আগে, এই যাচাই-তালিকা (চেকলিস্ট) ব্যবহার করুন এবং নিশ্চিত করবেন যে আপনার আবেদনপত্রে উল্লেখিত রয়েছে...

12-টি পছন্দের প্রোগ্রাম। আপনার পছন্দের প্রোগ্রামগুলো সম্পর্কে আরো তথ্য জেনে, আপনার আবেদনপত্রে সেগুলো যোগ করলে, আপনি ভর্তি হতে চান এমন একটি প্রোগ্রাম থেকে অফার পাবার সম্ভাবনা বৃদ্ধি পায়।

আপনার পছন্দের প্রোগ্রামসমূহ আপনার প্রকৃত পছন্দের অগ্রাধিকারক্রম অনুযায়ী। আপনার আবেদনপত্রে সবসময় প্রোগ্রামগুলোকে আপনার অগ্রাধিকারপ্রাপ্ত পছন্দটিকে সবার উপরে,

#1 হিসেবে রেখে, প্রকৃত পছন্দের অগ্রাধিকারক্রমে সাজাবেন। এরচেয়ে ভালো কোনো কৌশল নেই!

বিভিন্ন প্রোগ্রামের একটি মিশ্রণ যেখানে আপনার একটি অফার পাবার একটি উচ্চ, মধ্যম এবং নিম্ন সম্ভাবনা রয়েছে। যদি আপনি কোনও যাচাইকরণ (স্ক্রিনড) অথবা অডিশন প্রোগ্রামে আবেদন করছেন, তবে ভর্তি পদ্ধতিসমূহ ব্যবহার করে এমন কিছু প্রোগ্রাম অন্তর্ভুক্ত করতে ভুলবেন না।

8.4 হাই স্কুলে ভর্তির আবেদন করুন

- **পাবলিক স্কুলের বর্তমান শিক্ষার্থীদের জন্য:** আপনার স্বাগত চিঠিটি আপনার হাইস্কুলস্ অ্যাকাউন্টটি কীভাবে তৈরি করতে হবে এবং আপনার আবেদনপত্র পেতে হবে, তা ধাপে ধাপে বর্ণনা করবে। আপনার বর্তমান স্কুল কাউন্সিলার পুরো ভর্তি প্রক্রিয়া চলাকালে আপনাকে সহায়তা করতে পারেন।
- **প্রাইভেট অথবা প্যারোকিয়াল (ধর্মীয়) স্কুলের বর্তমান শিক্ষার্থীদের জন্য:** যদি আপনি NYCPS-এর হাই স্কুলগুলোতে আবেদন করতে চান, তবে একটি হাইস্কুলস্ অ্যাকাউন্ট তৈরি করতে এবং প্রক্রিয়াটি শুরু করতে আমাদের **ফ্যামিলি ওয়েলকাম সেন্টারের** স্টাফ সদস্যগণ প্রস্তুত আছেন—আমাদের সাথে কীভাবে যোগাযোগ করতে হবে তা জানতে পরবর্তী পৃষ্ঠা দেখুন।

কীভাবে আবেদন করতে হবে

আপনার ক্যালেন্ডারে টুকে রাখুন! **হাই স্কুলে ভর্তির আবেদন করার শেষ তারিখ হচ্ছে** _____ (শূন্যস্থানগুলো পূরণ করুন)। সময়সীমা শেষ হবার আগে, তিনটি উপায়ের যেকোনো একটির মাধ্যমে আবেদন করুন:



অনলাইনে MySchools.nyc -এর মাধ্যমে। সুপারিশকৃত! আবেদনের সময়সীমা চলাকালে, এই পন্থাটি সপ্তাহের 7 দিন, 24 ঘন্টাই লভ্য রয়েছে। অনলাইনে ইংরেজি, আরবী, বাংলা, চাইনিজ, ফ্রেঞ্চ, হেশিয়ান ক্রিওল, কোরিয়ান, রাশিয়ান, স্প্যানিশ, অথবা উর্দু ভাষায় আবেদন করতে পারেন। **“Submit Application” (আবেদন জমা দিন)** বাটনে ক্লিক করতে ভুলবেন না! যখন আপনি **কনফেটি** (উড়ন্ত রঙীন কাগজ) দেখবেন, তখন আপনি বুঝবেন যে আমরা আপনার আবেদন পেয়েছি!



আপনার বর্তমান স্কুল কাউন্সিলারের মাধ্যমে। আপনার স্কুল কাউন্সিলার আপনাকে পথ-নির্দেশনা এবং আবেদনপত্র জমা দিতে সহায়তা করতে পারেন।

একটি ফ্যামিলি ওয়েলকাম সেন্টারের মাধ্যমে। আরও জানতে সেকশন 1.3 এবং schools.nyc.gov/FWC দেখুন। 200-এর বেশি ভাষায় দোভাষী পরিষেবা লভ্য আছে: আপনার ভাষায় আপনি ভর্তি সংক্রান্ত প্রশ্ন জিজ্ঞাসা এবং অনুরোধ করতে পারেন।

স্মরণ রাখবেন: স্পেশলাইজড হাই স্কুল ও চার্টার স্কুলগুলোর ভিন্ন ভিন্ন ভর্তি প্রক্রিয়া রয়েছে—আপনার হাই স্কুল আবেদনপত্রে সেগুলি যোগ করতে পারবেন না।

যাচাইকরণ (স্ক্রিনড) অথবা অডিশন প্রোগ্রামসমূহে আবেদন করছেন?

আপনার আবেদনপত্রের সুনির্দিষ্ট প্রোগ্রামসমূহে বাড়তি আবশ্যিকতা আছে কিনা তা নিশ্চিত হয়ে নিন, যেমন অডিশন, এবং সেগুলো উল্লেখিত শেষ সময়সীমার আগেই সম্পন্ন করুন। আরো জানতে schools.nyc.gov/HSAuditions এবং schools.nyc.gov/AssessmentHS দেখুন।

8.5 স্পেশলাইজড হাই স্কুলগুলোতে ভর্তিতে অংশগ্রহণ করুন

নিউ ইয়র্ক সিটিতে নয়টি স্পেশলাইজড হাই স্কুল রয়েছে। হাই স্কুলের আবেদনের চাইতে এসব স্কুলগুলোর একটি আলাদা ভর্তি প্রক্রিয়া রয়েছে। আপনি লাগোয়ার্ডিয়া হাই স্কুলে অডিশনের মাধ্যমে এবং স্পেশলাইজড হাই স্কুলস্ অ্যাডমিশন টেস্ট (SHSAT) গ্রহণের মাধ্যমে পরীক্ষা গ্রহণকারী স্পেশলাইজড হাই স্কুলে আবেদন করতে পারেন।

একটি অডিশন স্পেশালাইজড্ হাই স্কুল—আবেদন করতে অডিশন গ্রহণ

আবেদন জমাদানের সময় চলাকালে, আপনি ফিওরেলো এইচ. লাগোয়ার্ডিয়া হাই স্কুল অভ মিউজিক অ্যান্ড আর্টস্ অ্যান্ড পারফরমিং আর্টস্-এ (লাগোয়ার্ডিয়া) একটি আবেদনপত্র জমা দেয়ার মাধ্যমে এবং এরপর একটি পোর্টফোলিও জমা দিয়ে এবং/অথবা সর্বোচ্চ ছয়টি ভিন্ন আর্টস্ প্রোগ্রামে একটি প্রতিভার ক্ষেত্রে অডিশনের মাধ্যমে আবেদন করতে পারেন:

ফাইন অ্যান্ড ভিজুয়াল আর্টস	ইন্সট্রুমেন্টাল মিউজিক	ড্রামা
ভোকাল মিউজিক	ড্যান্স	টেকনিক্যাল থিয়েটার

এছাড়াও লাগোয়ার্ডিয়া হাই স্কুল শিক্ষার্থীর অ্যাকাডেমিক রেকর্ড বিবেচনা করে। লাগোয়ার্ডিয়ার প্রোগ্রামগুলোতে আবেদনকারীদের SHSAT দেয়ার প্রয়োজন নেই; লাগোয়ার্ডিয়ায় অফার দেয়ার জন্য এই পরীক্ষাটি ব্যবহার করা হয় না।

উল্লেখিতের জন্য schools.nyc.gov/SHS দেখুন:

- কীভাবে আবেদন করতে হয় জানুন।
- প্রতিটি ডিসিপ্লিনের অডিশনের জন্য কীভাবে প্রস্তুত হতে হবে তা জানুন।

আটটি ভর্তির জন্য পরীক্ষাগ্রহণকারী স্পেশালাইজড্ হাই স্কুল—আবেদন করতে SHSAT দিন

রেজিস্ট্রেশন এবং পরীক্ষা গ্রহণ চলাকালে, আপনি আটটি স্পেশালাইজড্ হাই স্কুলের যেকোনোটিতে রেজিস্ট্রেশন করার পর, স্পেশালাইজড্ হাই স্কুল অ্যাডমিশন টেস্ট (SHSAT) গ্রহণের মাধ্যমে আবেদন করতে পারেন। এই প্রক্রিয়ার মধ্যে রয়েছে এই স্কুলগুলোর মাঝে কোনগুলোতে আপনি ভর্তি হতে ইচ্ছুক, আপনার প্রকৃত পছন্দের ক্রমানুসারে:

The Bronx High School of Science	High School of American Studies at Lehman College
The Brooklyn Latin School	Queens High School for the Sciences at York College
Brooklyn Technical High School	Staten Island Technical High School
High School for Mathematics, Science and Engineering at City College of New York	Stuyvesant High School

উল্লেখিতের জন্য schools.nyc.gov/SHS দেখুন:

- SHSAT-এর জন্য কীভাবে, কখন, ও কোথায় রেজিস্টার করতে হবে ও পরীক্ষা দিতে হবে তা জানুন।
- অনুশীলনী পরীক্ষাসমূহ এবং পরীক্ষা সংক্রান্ত তথ্য খুঁজে নিন। SHSAT-এর জন্য পরীক্ষায় প্রদত্ত বিশেষ সুবিধা সম্পর্কে জানতে schools.nyc.gov/SHS দেখুন।
- আপনার পরীক্ষার দিন কী প্রত্যাশা করতে পারেন এবং সাথে আনতে হবে, সেবিষয়ে জানুন।

8.6 আপনার অফার গ্রহণ করুন

ভর্তির প্রস্তাব (অফার)

আপনার হাই স্কুলের অফারের চিঠিতে কোনও হাই স্কুলে অফার(সমূহ) সহ, যদি প্রযোজ্য হয়, কোনও স্পেশালাইজড হাই স্কুলের ফলাফল থাকবে। এতে ওয়েটলিস্ট (অপেক্ষা-তালিকা) এবং পরবর্তী ধাপগুলো সম্পর্কেও তথ্য দেয়া থাকবে। যদি আপনি একাধিক অফার পেয়ে থাকেন (যেমন, কোনও স্পেশালাইজড হাই স্কুলে এবং আপনার আবেদনপত্রের কোনও প্রোগ্রামে), তবে একটি গ্রহণ করার জন্য আপনার জন্য একটি সময়সীমা ধার্য হবে।

অফারসমূহ বিতরণের পর, আপনি আপনার মাইস্কুলস্ অ্যাকাউন্টটি উল্লেখিতের জন্য ব্যবহার করতে পারেন:

- আপনার অফারের তথ্য পাবেন।
- যদি প্রযোজ্য হয়, একাধিক অফার থেকে একটি বেছে নিন।

অফার বিতরণের সময়, অনেক স্কুলের সম্ভাবনাময় এবং/অথবা ভর্তিকৃত শিক্ষার্থীদের জন্য ওপেন হাউজ, ওরিয়েন্টেশন তথ্য অধিবেশন, এবং/অথবা সংস্থান বা রিসোর্স থাকবে। এই সুযোগসমূহ সম্পর্কে সর্বশেষ হালনাগাদ তথ্যের জন্য স্কুলের ওয়েবসাইট দেখুন।

অপেক্ষা-তালিকা (ওয়েটলিস্ট)

কোনও প্রোগ্রামের অপেক্ষা-তালিকা বা ওয়েটলিস্ট হচ্ছে সেসব আবেদনকারীদের একটি তালিকা, যারা ঐ প্রোগ্রামে অংশগ্রহণ করতে চায় কিন্তু সেটায় কোনও অফার পায়নি। অফারের চিঠিসমূহ পাঠানোর পর অপেক্ষা-তালিকা উন্মুক্ত হবে। অপেক্ষা-তালিকা বা ওয়েটলিস্ট খোলা থাকাকালীন সময়, হাই স্কুলগুলো কোনও নবম অথবা দশম গ্রেডের আসন শূন্য হলে তা পূরণ করার জন্য অপেক্ষা-তালিকা ব্যবহার করে। স্কুলগুলো শুধুমাত্র তালিকার প্রথম শিক্ষার্থী থেকে শুরু করে ক্রমান্বয়ে অপেক্ষা-তালিকা (ওয়েটলিস্ট) অফারগুলো দিতে পারে। অপেক্ষা-তালিকা (ওয়েটলিস্ট) সম্পর্কে আরও জানতে schools.nyc.gov/Waitlists দেখুন।

- আপনাকে আপনা-আপনিভাবে সেসব প্রোগ্রামের অপেক্ষা-তালিকায় রাখা হবে, যেগুলো আপনি যে স্কুলে অফার পেয়েছেন সেটা থেকে আবেদনপত্রে উপরে তালিকাভুক্ত করেছেন। উদাহরণস্বরূপ, আপনি যদি এমন কোনো প্রোগ্রামে অফার পেয়ে থাকে যেটা আপনি আবেদনপত্রে তৃতীয় অবস্থানে তালিকাভুক্ত করেছেন তাহলে তাকে স্বয়ংক্রিয়ভাবে আপনার প্রথম এবং দ্বিতীয় পছন্দের প্রোগ্রামের অপেক্ষার-তালিকায় (ওয়েটলিস্ট) রাখা হবে।
- যখন অপেক্ষা-তালিকা বা ওয়েটলিস্ট শুরু হবে, আপনি আপনার মাইস্কুলস্ অ্যাকাউন্টটি উল্লেখিতের জন্য ব্যবহার করতে পারেন:
 - অতিরিক্ত অপেক্ষা-তালিকায় (ওয়েটলিস্টে) নিজেকে যোগ করুন—এটি ঐচ্ছিক।
 - কোনও প্রোগ্রামের অপেক্ষা-তালিকায় (ওয়েটলিস্টে) আপনার অবস্থান দেখুন।
 - অপেক্ষা-তালিকার অফার গ্রহণ বা প্রত্যাখ্যান করুন, যদি প্রযোজ্য হয়। সকল প্রোগ্রামে লভ্য আসন থাকবে না, অতএব সকল প্রোগ্রাম অপেক্ষা-তালিকার অফার প্রদান করবে না। যদি আপনি কোনও অপেক্ষা-তালিকায় স্থান পেয়ে থাকেন, আপনি অপেক্ষা-তালিকার অফার পাবেন কিনা সেটার কোনও নিশ্চয়তা নেই।
- যদি কোনও স্কুল আপনাকে একটি অপেক্ষা-তালিকার অফার দিতে সক্ষম হয়, তারা সরাসরি আপনার সাথে যোগাযোগ করবে, এবং এছাড়াও আপনি আপনার মাইস্কুলস্ অ্যাকাউন্টের মাধ্যমে একটি ইমেইল পাবেন। এই অফার গ্রহণ অথবা প্রত্যাখ্যান করার জন্য আপনি আনুমানিক এক সপ্তাহ সময় পাবেন। যদি আপনি একটি অপেক্ষা-তালিকার অফার গ্রহণ করেন, তবে সেটা আপনার বর্তমান অফারের স্থলাভিষিক্ত হবে।

আবেদনপত্রে আমার পছন্দসমূহ

1

2

3

4

5

6

7

8

9

10

11

12



MySchools.nyc -এ, আপনার স্কুল ও
প্রোগ্রামের অপশনসমূহ অনুসন্ধান করুন এবং
আবেদন করুন।